

沈雲龍編輯

明清史料彙編

三集

第九冊

文海出版社  
印行

明清史料彙編 三集 目錄

第九冊

|      |   |        |      |
|------|---|--------|------|
| 綏寇紀略 | 下 | 清·吳偉業撰 | 四五四九 |
| 靖海紀略 |   | 明·曹履泰撰 | 五〇四五 |

綏寇紀畧卷十

鹽亭誌

張獻忠不知其所自起延帥杜文煥以庚午春二月督  
延綏固原兵三十便宜剿撫既定黃甫清水木瓜三堡  
而米脂賊張獻忠所據十八寨聞兵至詭乞降延撫洪  
承疇亦常以辛未冬十二月撫賊張獻忠羅汝才等千  
九百人於黨家坪已而復叛相傳獻忠膚施人隸延安  
衛籍固將家子少時從軍犯法得總兵陳洪範救免刻  
梅檀爲洪範像事之其爲賊也與汝才同起河北之謠

曰鄴臺復鄴臺曹操再出來汝才偷取孟德以爲軍號

蹟其且降且叛本兩人起兵時故智不待穀房變而後

知其詐也獻忠之畏良玉始於南陽之役

十一年春間事

嘗僞

爲官兵駐南陽之東關以詐取宛城門未啓而良玉適

至先驅呵問爲何家兵獻忠倉皇走左同副將羅岱追

及射之矢著其額又射貫其左手中指於弓檠上兩馬

相及良玉抽刀揚削先拂獻忠之面創未深比再下而

馬已逸矣獻忠在穀城嘗指其瘢語人曰此左將軍南

陽時創我也獻忠長身而瘦面微黃僇勁果俠軍中號

爲黃虎所將三千人皆精卒分四營每營一將主之其一將偏盲有計謀薛姓忘其名韓城人首輔薛國觀之子姪行也日夜說獻忠以約降取富貴獻忠念有文燦主於外國觀主於內吾之就撫也可以萬全其據穀城以請也舉人王秉真諸生徐以顯爲之具牒於理院以百口保獻忠歸命無他心文燦受其牒責賂黃金醵裹千珠琲盈斗他環貨累萬萬所謂韓城人薛某者走一騎至京師出入相公邸中且以遍見諸權貴人權貴人惟大司馬楊嗣昌卻其幣自國觀以下多私受之不復

知獻忠之爲賊矣獻忠初攜新野丁氏以入旣又聘穀城敖生員之女弟爲妻改其距城十里之王家河故納降所駐兵處爲太平鎮曰吾欲與穀人同之也自以未能放兵不肯入襄陽具橐韃迎臺使者林銘球於交境之舟中拜跪有禮節銘球亦敬勞之而去穀士民以爲獻忠誠降相賀於道熊文燦則以閩海撫賊得重賄襲故事行之穀城不能用恩信威畧相駕馭而區區日責其寶賂獻忠則笑謂其下口此欲芝龍我也文燦旣得所欲爲之請官請餉請關防應之惟恐不滿獻忠故爲

要求以逞其恣睢哮闕文燦輒依違其間既又聞朝議  
異同不免二三其德獻忠則怒謂其下曰此欲劉香我  
也日夜與潘獨鰲徐以顯謀爲變潘獨鰲者故應城諸  
生與邑紳爭田不平殺縣令以反遂投賊徐以顯素險  
譎謁獻忠一見如舊軍機進止兩人實與其謀王秉真  
雖以畏死從獻忠借公車北行規自脫已出城矣而追  
還後卒爲所脇與於亂以死惟明經敖某者以廷對請  
獻忠老之縱使出旣再追而敖易服他道遁後娶敖氏  
其族女明經不之知也方岳宗者太守岳貢之兄而戶

部岳朝之從弟也獻忠初以其家不貧拘之營中索賄  
既知其無錢而方爲人任俠使氣善飲酒好談論獻忠  
館於其家久之頗合嘗其飲使之嚼方曰無多酌我我  
好酒狂獻忠笑曰此何害直當痛飲爲樂耳方以此嘗  
醉拳毆獻忠背持其衣毀裂之獻忠壯其氣不爲忤其  
反也坐賊頭疆百姓彝雉堞平之方遙呼曰張敬軒將  
軍救我敬軒者獻忠招安時所以自號也獻忠揮之以  
手曰爾尙未出城耶命急開西門放方氏大小畢出且  
曰少遲卽不及矣因以免獻忠至狼戾然以居穀城久



其叛日亦不甚殘殺畱書於壁以告楚人白己之叛總理使然具條土官姓氏而列所取時之月日多寡於其下且曰襄陽道王瑞旃不受獻忠錢者此一人耳聞者愧焉當戊寅之冬穀人親見李自成以兵敗從數十騎過穀城獻忠與之飲酒半獻忠笑而拊其背曰李兄盍亦從我降而僕僕奔走乎時獻忠已有異志自成仰而嘻曰不可獻忠乃資其衣馬以去穀人皆以之尤文燦曰若果調度得宜彼且縛闖自効取小利而失大賊文燦之內其足食乎瑪瑙山之戰獻忠妻敖氏高氏被獲

而高氏手提一嬰兒諸將盛爲之飾欲以居奇能得獻忠要領閣部楊嗣昌處之襄陽獄中其潘獨鰲則又秦將鄭嘉棟太坪溪搜林所得詭姓名黃岡劉若愚願見督師言事既至雅步稱難生有治平天下之畧不幸陷賊今自歸嗣昌詰之曰爾之才學爲張獻忠用盡尙有遺餘爲朝廷用耶且獻忠不識字爾草飛檄以逆天罵國死有餘罪始俛首隨行書吏尹曰鳳謂宜早殺之不可乃并前所執敖氏之兄及養子惠二者同繫襄陽獄襄陽太守王承曾年少多佻易每晚囚簿呼名悅敖氏

高氏之豔托以問賊中事笑語頗洽獄吏多與賊通者  
潘獨鰲等得以脫桎梏飼酒肉往來不復禁防禦頗疎  
嗣昌以獻忠飄忽嘗移文爲戒承曾笑曰是詎能飛至  
耶獻忠之敗官軍於開縣也卽東走自雲陽過淨壁至  
夔州宿於乾溪一日夜行三四百里攻巫山不克出蜀  
從房竹走遠安當陽鄖撫袁繼咸邀之不能止賊畱汝  
才於鄖而自率輕騎下宜城殺督師軍使於道取其符  
驗夜叩襄陽城門襄道臣張克儉納之處其人於承天  
寺夜半承天寺起火文選臺襄王府端禮門亦火潘獨

鰲毀淮戶偕敖氏高氏出獻忠至而殺襄王因全隊未  
至懼良王之議其後也張伯鯨餉銀數十萬在城中不  
及問居兩日卽去而破樊城返而破當陽荊縣招汝才  
之兵東下三月二十一日用飛梯登光州北城明日又  
入南城汝寧以南商羅息信殘破幾盡旣聞楚撫及禁  
旅之在蘄州也乃燒固始西關分其軍爲二一上茶山  
一走應城將以躡德安窺陵寢德安守將出戰賊斃於  
砲矢甚衆攻應城應山皆不下知隨州徐世淳聞使三  
走郢告急楚撫發偏師來援巡道趙某勒之守郢弗遣

四月二十五日賊隲北城以入世淳勒馬巷戰陷胸穴  
股以死其子肇梁亦死兩妾及賊獲死者二十人五月  
左良玉次南陽躡賊於西山賊敗走獻忠汝才合兵攻  
南陽知府顏日愉指揮王汝章禦却之日愉力率卒獻  
忠破信陽獲左兵旗幟命其下假之以趨泌陽初六日  
夜大雨獻忠乘以入知泌陽王士昌不屈死明日左良  
玉始至賊已遁良玉不戢士泌人脫於賊者遇官軍無  
噍類賊圍唐縣已而再攻應山應山之民工射獵毒弓  
矢傳人肉沸爛故賊再攻不克七月獻忠圍鄖陽鄖陽

有降將王光恩設守出兵禦之多殺傷獻忠遁走會總  
兵黃得功戲下叛兵投之賊大振良玉率馬進忠吳學  
禮杜應金等追之既至南陽疲敝未能進獻忠又佚而  
之鄭西鄭西守將兵變陣障弛賊因以入獻忠既拔鄭  
西羣盜蟻附以萬計方東掠地至信陽屢勝而驕且謂  
良玉爲不足畏先是瑯山之戰良玉於獻忠實縱之  
既諸將併帑於襄襄陷而獻忠盡戕其妻息故其下致  
怨距躍思鬪八月良玉乃從南陽進兵及之於信陽大  
戰斬其頭領沙某奪馬萬餘匹降其衆數萬獻忠射中

殷負重傷乘夜返而東奔郢撫邀其前馬進忠躡其後  
過龍岡蘇家坂兎兒溝五股泉四遇盛斬獲獻忠負創  
不能馳保其婦女小子日行數十里良玉自鄖北發追  
之賊已入掌握會轉饋在興安由興達信百二十里大  
雨五日夜江水暴長谿道斷絕文武將吏首尾離置者  
數十處賊已從南陽挺逸丁啓睿檄楚撫扼蘄黃豫撫  
扼光固馬進忠趨隨牽賊之東猛如虎趨皖防賊之西  
督師左兵分行急躡掃除殘醜羅汝才有不嫌於獻忠  
先在內鄉徙營走別道往詣自成獻忠前驅入哨又爲

自成所邀取謀者云獻忠在上津連三坂矢貫脛誼譁  
已斃旣而訶之在商固山中先是革左五營竄英霍谿  
峪深阻監軍道楊卓然以說降受侮賊且伏且叛依林  
樾避炎燭火作而入秋高而出歲爲常山城長吏挈其  
章視事於瀕江洲渚邑居聚落荒梗無行人獨桐城吏  
民修完繕固皖將李自春廖應登汪正國等貳於賊托  
援桐爲名沿途鈔暴賊是以愈逞剡含剪巢麟潛山而  
殺其令聞鼓行於羅田光山之間越險隘謀合獻忠楚  
兵力遮之於刀山燈草坪茶溝不能過

刀山去英山七  
十里羅田百五



十里我兵生擒百人繼又追之金山鋪斬一千八百七十七級又追之於燈草坪邵家墳懸中崖茶溝追殺五十餘里斬一千級獻忠亦以奔敗而思與之通也九月出商城之牛市畋取道向英山我商固之師厚集其陣於東界嶺待之已而監軍孔貞訓副將王允成大破之於望雲寨獻忠衆道散且盡乃因汝才以奔自成當襄陽之陷獻忠自詡威名遠出自成右及軍敗往歸所從不過數十騎自成欲以部曲遇之不肯屈自成將殺之汝才力止曰畱之擾漢東以分官軍之勢可乎資以五百騎麾曰亟引而東合革左此地非若所當畱也獻忠乃